

# Ngā Tikanga Aromatawai Paerewa Paetae

---

## On this page

[91804: Te Tatari i te ahunga o te reo](#) ▼

[91806: Te tuhura i nga tuhinga ruapeka](#) ▼

[91808: Te whakaoti tuhinga](#) ▼

## Kaupae 3 Te Reo Rangatira 2018

## Ngā Tikanga Aromatawai Paerewa Paetae [91804](#) [91806](#) [91808](#)

### Wāhanga A: He kōrero whakataki

---

### Wāhanga E: Purongo mo ngā Paerewa Paetae

## 91804: Te Tatari i te ahunga o te reo

---

Ko ngā ākonga i whakawhiwhia ki te **Paetae**:

- i arotahi i te kaupapa o te tuhinga, he ngāwari te pānui atu hoki
- i whai matapae ki ōna whakaaro i te ahunga atu o te reo i ēnei rā

- i hāngai tana tātari i ngā take o te rerekē me te ritenga o ngā reo e rua
- he tikanga reo tonu e arotahia ana e te kaituhi, pērā i ngā tohutō me ngā rerehāngū hoki
- i whai whakaaro ia ki ngā hanga o te reo e pānoni ana.

Ko ngā ākonga i whakawhiwhia ki te **Kāore i whiwhi**:

- i raro iho i te toru rau ngā kupu i te tuhinga roa
- kīhai ngā i tuhia i whai i te kaupapa
- he iti rawa te tātari i te kaupapa me te whai matapae hoki.

Ko ngā ākonga i whakawhiwhia ki te **Kaiaka**:

- i āta tātari ngā kōrero kia māhitihiti te tuhi atu
- i tuku mārohirohi Māori nei ki āna matapae i ngā take o te ahunga atu o te reo Māori
- i Māori ake te arohaehae i tāna e matapae ai ki ngā take rerekē rānei, ritenga rānei
- i mārama ia i te ia o ngā nuka reo Māori ki tāna i tuhi atu ki te kaupapa nei
- kua rea atu te kounga o tōna reo ki te whakawhānui kōrero e ai ki te ahunga atu o te reo o ēnei rā.

Ko ngā ākonga i whakawhiwhia ki te **Kairangi**:

- kei reira te tika, te rere me te wairua o ōna mātua tūpuna e kounga ake nei
- he mārohirohi i ngā take, ngā rerekē o te ahunga atu o te reo Māori ki āna matapae, whakapakepake rānei
- i māhitihiti katoa ngā matapaki ki te ahunga o te reo Māori me ngā take rerekē
- he nanakia ia ki te āta tātari kōrero hei tuhinga rangatira anō māna
- he nanakia ngā whakaaro Māori i whakawhānui ake i te kaupapa
- he mataura te ākonga ki te tuhi kōrero e ai ki ngā rerenga whakanikoniko.

# 91806: Te tuhura i nga tuhinga ruapeka

---

Ko ngā ākonga i whakawhiwhia ki te **Paetae**:

- he whai tohutohu tā te kaituhi, ā, he mārama ki te whakaū ki te horopaki o te kaupapa i kōwhiria ai
- i whai tohutohu kia hāngai te tuhinga ki ngā ruri e rua
- i hāngai te tuhinga ki ngā tikanga o te ahunga me te panoni o te reo Māori
- i tautuhi i ngā waipaki o ngā ruri e rua kia Māori tonu te tika me te rere
- i matapaki i ētehi o ngā waipaki o ngā ruri, ā, i tautokona ngā matapae hoki.

Ko ngā ākonga i whakawhiwhia ki te **Kāore i whiwhi**:

- i māhitihiti ōna whakaaro, engari he iti rawa te whakarētō ki te tuhinga roa
- i kōtiti kē te horopaki i tuhia e te kaituhi, ā, kīhai i eke ki te taumata o te reo rangatira nā te hapa o te reo tuhituhi te take
- kāre te kaituhi i ekea te 300 ngā kupu.

Ko ngā ākonga i whakawhiwhia ki te **Kaiaka**:

- i mārakerake te kitea te mōhio o te kaituhi ki te whakawhānui i ōna mārohirohi Māori
- ka tautuhi i ngā rautaki a te kaitito hei whakaari i ētahi o ngā waipaki matua
- ka tautuhi i te hunga pānui e tika ana mā rātou tēnei tuhinga, ka rata hoki ki te tuhinga
- i tīpakohia ngā waipaki matua i whai ai i te pūtake o te tuhinga nei
- i tautuhia te hunga pānui e tika ana nā konā ka pai ake te tuhi mārohirohi ki te kaupapa matua.

Ko ngā ākonga i whakawhiwhia ki te **Kairangi**:

- i māhitihiti ōna whakaaro Māori e hāngai ana ki ngā waipaki o ngā ruri e rua, ā, i whai tukanga tuhituhi kia taunaki i āna matapae anō hoki

- ka tautuhi, ka whakawāwā i ngā rautaki a te kaitito hei whakaari i t/ētahi o ngā waipaki
  - i āta matapaki i ngā peka i pai ai rānei, i raruraru ai rānei ngā tuhinga
  - ka mārohirohi i ngā whakapainga e rata ake ai te hunga pānui e tika ana mā rātou te tuhinga nei
  - i autai te tautuhi me te whakawāwā ngā rautaki a te kaituhi ruri hei tautoko ake i ngā mārohirohi o te kaituhi
  - he wahapū kē te kaituhi ki te māhitihiti whakaaro Māori ki ngā waipaki o ngā ruri e rua.
- 

## 91808: Te whakaoti tuhinga

---

Ko ngā ākonga i whakawhiwhia ki te **Paetae**:

- i tātarhia ngā aria matua o te tuhinga
- i whai i te ia o te tuhinga nei ki te taumata me te roanga i tohua ai
- i hāngai te raupapa o ngā whakaaro me te whakakapinga ki ngā hanga i kitea rānei, i rongorānei.

Ko ngā ākonga i whakawhiwhia ki te **Kāore i whiwhi**:

- i iti noa iho ngā kupu o te tuhinga i te toru rau
- i kōtītī kē te horopaki i tuhia, ā, kāore i hāngai ki te kaupapa
- He whakaaro i takatūria, engari kāore ngā ariā matua i whakawhānui ake.

Ko ngā ākonga i whakawhiwhia ki te **Kaiaka**:

- i mārama te whai i ngā tohutohu kia tīpakohia te kaupapa i kōwhiria ai
- i whai raupapa ngā whakaaro o te kaituhi ki ngā horopaki o te tuhinga roa
- i tātarhia ngā ariā matua, nā konā ka whakawhānake te tikanga o te tuhinga.

Ko ngā ākonga i whakawhiwhia ki te **Kairangi**:

- i nanakia te whiriwhiri i ngā hanga o te tuhinga kia whakawhānake Māori nei i te tuhinga roa

- i whakaritea whakaaro Māori e hāngai ana ki te tātū o te tuhinga, ā, i whai tukanga tuhituhi kia whai hua ai te hunga pānui
- kāore he paku tapepe o te reo i kitea, he kairangi kē te taumata o te reo ā-tuhi.

## [Te Reo Rangatira subject page](#)

### Previous years' reports

[2017 \(PDF, 51KB\)](#), [2016 \(PDF, 209KB\)](#)